

## GRUZIYA LIK INVESTORLAR SO'X TUMANIDA



### GRUZIYA LIK INVESTORLAR SO'X TUMANIDA

Co'x tumanida xorijiy investitsiya ishtirokida sabzavot va gul ko'chatlari yetishtirishga mo'ljallangan innovatsion issiqxonalar tashkil etish, forel baliq'ini yetishtirish, chiqindini kayta ishlash va tekstil faolyatini rivojlantirish bo'yicha Gruziyaning "Mza Chitili" va "WG Techno" kompaniyalari bosh direktori, turkiyalik ishbiarmon Erhan Zorlu tumanimizga tashrif buyurdi va loyihalarni amalga oshirish uchun mo'ljallangan ob'ektlar bilan tanishdi.

Tashrif davomida tuman hokimi Sayidbahrom Sayidmusayev, hamda tuman hokimining investitsiyalar va tashqi savdo masalalari bo'yicha o'rinbosari Adhamjon Safarov va sektor rahbarlari ishtirokida uchrashuv o'tkazildi.

Farg'ona viloyatining Gruziya davlati bilan hamkorlikda amalga oshirilayotgan loyihalariga alohida to'xtalgan investor So'x tumanida ham yaxshi investitsion muhit shakllanishiga ishonch bildirdi.

Tuman rahbarlari tomonidan mehmonlarga So'x tumanining qishloq xo'jaligi va boshqa tarmoqlardagi mavjud imkoniyatlar haqida ma'lumotlar berildi.

Uchrashuv davomida Erhan Zorlu So'x tumanining iqlimidan kelib chiqib, bu yerdagi aholini ishga jalb qilgan holda issiqxonalar tashkil etish va bu issiqxonalarda Yevropa bozorlari talabiga mos sabzavot va gul ko'chatlari parvarishlash, uni dunyo bozorlariga eksport qilish, forel baliq'ini yetishtirish va chiqindini qayta ishlash loyihalarni amalga oshirilishini ma'lum qildi.

Buning uchun investor tomonidan sabzavot va gul ko'chatlari yetkazib berilishi, laboratoriya, mutaxassislar jalb qilinishi, ko'chatlarni yetishtirilgunga qadar bo'ladigan jarayonlarni nazorat qilib borilishini bildirdi. Maxsus texnologiyalar jalb qilinib, suv chiqarish ham investor tomonidan amalga oshiriladi.

Investorlar So'x tumanida forel baliq'ini yetishtirish va uni konserva holatida eksport qilish loyihasi amalga oshirish joyi bilan tanishdi. Loyihaning taxminiy summasi 5-6 mln AQSh dollarini tashkil etilishi belgilab olingan.

Bundan tashqari, gul ko'chatlari yetishtirish loyihasini kooperatsiya usulida amalga oshirish uchun tumandan 100 ta xonadon ro'yxati shakllantirilishi, yer maydoni ajratilishi masalasi ham ko'rib chiqilishi aytib o'tildi.

